



Broj: JN-1-01-16-4-7-11/18

Datum: 10.08. 2018. godine

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, br. 32/02 i 102/09) i člana 25, člana 32, člana 64. stav 1. tačka b), člana 68. stav 4. tačka f) i i) i člana 70. stav 1, 3. i 6. Zakona o javnim nabavkama („Službeni glasnik BiH“, broj: 39/14), a na Preporuku Komisije za javnu nabavku, broj: JN-1-01-16-4-7-9/18 od 26.04.2018. godine, u postupku javne nabavke goriva, donosi sljedeću:

**ODLUKU**  
**o izboru najpovoljnijeg ponuđača**  
**za nabavku hrane, prehrambenih artikala i sredstava za ličnu higijenu**

**Član 1.**

Prihvata se Preporuka Komisije za nabavku, JN-1-01-16-4-7-9/18 od 26.04.2018. godine i Okvirni sporazum za javnu nabavku hrane, prehrambenih artikala i sredstava za ličnu higijenu se dodjeljuje ponuđaču Lala i Lačo d.o.o. Bijeljina, ul. Prvog maja 14, 76 300 Bijeljina, za ponudu broj: 715/18, od dana 22.03.2018. godine, s ponuđenom cijenom sa popustom 81.174,00 KM bez PDV-a, odnosno 94.973,58 KM sa PDV-om, kao najpovoljnijem ponuđaču.

**Član 2.**

Izabrani ponuđač je u sklopu ponude dostavio dokaze o kvalifikovanosti u skladu sa članom 45. stav (1) tačke a), b) c) i d) Zakona o javnim nabavkama.

**Član 3.**

Okvirni sporazum za nabavku hrane, prehrambenih artikala i sredstava za ličnu higijenu će se zaključiti sa izabranim ponuđačem na period od jedne godine.

**Član 4.**

Ova odluka objavit će se na web stranici Ministarstva ([www.mhrr.gov.ba](http://www.mhrr.gov.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 5.**

Za izvršenje ove odluke se ovlašćuje i zadužuje Sektor za opće, pravne i finansijsko-materijalne poslove Ministarstva za ljudska prava i izbjeglice BiH.

**Član 6.**

Ova Odluka stupa na snagu danom donošenja.

**Obrazloženje**

Postupak javne nabavke je pokrenut Odlukom o pokretanju postupka javne nabavke hrane, prehrambenih artikala i sredstava za ličnu higijenu, broj: JN1-01-16-4-29-1/17 od 04.09.2017. godine.

Javna nabavka je provedena putem Otvoreni postupak javne nabavke hrane, prehrambenih artikala i sredstava za ličnu higijenu.

Procijenjena vrijedost javne nabavke bez PDV-a: 81.196,60 KM, odnosno 95.000,00 KM sa PDV-om.

Obavještenje o nabavci broj: 679-1-1-8-3-9/18, objavljeno dana 06.03.2018. godine na Portalu javnih nabavki i u Službenom glasniku BiH, broj: 16/18 od 09.03.2018. godine  
Komisija za nabavku imenovana je Odlukom, broj: 01-02-2-116-1/18, od 15.01.2018. godine.  
Komisija za javnu nabavku dostavila je ugovornom organu, ministrici za ljudska prava i izbjeglice BiH Zapisnik o pregledu i ocjeni ponuda broj: JN-1-01-16-4-7-8/18 od 26.04.2018. godine, Preporuku o izboru najpovoljnijeg ponuđača broj: JN-1-01-16-4-7-9/18 od 26.04.2018. godine i Izvještaj o radu broj JN-1-01-16-4-7-10/18 od 26.04.2018. godine u postupku javne nabavke hrane, prehrambenih artikala i sredstava za ličnu higijenu.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno četiri (4) ponude;
- da je blagovremeno primljeno četiri (4) ponude;
- da nije bilo neblagovremeno primljenih ponuda;
- da je ponuda ponuđača Lala i Lačo d.o.o. Bijeljina kvalifikovana i prihvatljiva, te da su dostavljeni svi traženi dokazi propisani tenderskom dokumentacijom na propisan način;
- da ponuda ponuđača TPDC „Sarajevo“ d.d. Sarajevo nije potpuna i ne zadovoljava uvjete iz Tenderske dokumentacije, te se u skladu sa članom 68. stav 4. tačka i) Zakona o javnim nabavkama odbacuje kao nepotpuna;
- da ponuda ponuđača Gold Mignon d.o.o. Sarajevo nije potpuna i ne zadovoljava uvjete iz Tenderske dokumentacije, te se u skladu sa članom 68. stav 4. tačka i) Zakona o javnim nabavkama odbacuje kao nepotpuna;
- da ponuda ponuđača Inter-com d.o.o. Zenica nije potpuna i ne zadovoljava uvjete iz Tenderske dokumentacije, te se u skladu sa članom 68. stav 4. tačka f) i i) Zakona o javnim nabavkama odbacuje kao nepotpuna.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka, ministrica za ljudska prava i izbjeglice BiH nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stav 1. tačka b) Zakona o javnim nabavkama, odlučeno je kao u dispozitivu ove Odluke.

#### POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke.

Dostaviti:

- ponuđači,
- Sektor za opće, pravne i finansijsko-materijalne poslove
- a/a.



MINISTRICA

Semiha Borovac

*Semiha Borovac*